

太上黃籙齋儀卷十六之一

八

卷十二

太上黃籙齋儀卷之十六

十七十八同卷

實三

唐廣成先生杜光庭集

特勅為臣下遷拔清旦行道

入戶

各禮師存念如法

衛靈

青陽虛映

曜日回靈

神虎辟邪

飛天流鈴

摧奸滅試

萬魔束形

九微回道

八威攝精

千真校錄

三元蕩清

左嘯中黃

右策六丁

七轉八合 周旋天經 聖化巍巍

三道順行 慶雲流布 合景黃庭

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言散

實十二

花玉女五帝直符直日香官各三十二人出
出者嚴裝闢啓玄壇天帝神君當召此間土
地里域真官正神急上闢啓臣今奉為入意
以今清旦行道願得玉清道炁靈寶妙光下
降流入臣等身中即使玄壇清淨內外成真

天無氛穢地絕妖塵琳琅振響十方肅清萬
魔不干真誠上徹令臣所啓速達陛下御
太上无極大道至真玉皇上帝御前

各稱法位

上清玄都弟子臣某等同誠上啓

虛无自然元始天尊无極大道太上大道君
高上大道金闕玄元天皇大帝太上老君吳
天玉皇上帝十方已得道大聖衆至真諸君
丈人十方自然靈寶天尊隨機赴感救苦天
尊三十六天帝君玉虛上帝玉帝太帝東華

南極西靈北真玄都玉京金闕七寶玄臺紫
微上宮靈寶至真明皇道君三十六部尊經
玄中大法師三界應感一切真靈臣等伏聞
至道延慈玄功濟物敷揚景化拯護幽明所
以飛天神人稟玉匱明真之訓上智童子請

賓十二

二

瑤壇三籙之科宣布法音開度羣品仁周家
國惠洽古今

皇帝軫念勲賢憫傷冥漠某官緬痛泉扃冥
懷幽壤某等虔修勝福敷列壇場冀迴至聖
之慈以拯冥關之苦況奉詞旨敢不上聞

讀詞

按如詞言理宜關奏臣等謹依九清妙旨三
籙簡文法天地之儀陳懺祈之禮上通三境
下極九幽燒香然燈轉經行道銀缸散彩奠
開長夜之光仙唱流音佇降自天之福以今
清旦行道請法衆等運茲初捨上香

願此香煙騰空徑上供養

无上至真道寶臣等歸身歸命首體投地仰
依

太上三尊願以是功德歸流社稷尊靈宗祧

列聖超登真品遊宴福庭保祐陽圖遐延祚
曆乾坤共求海嶽常寧今故燒香自歸依
師尊大聖衆至真之德得道之後昇入无形
和與道合真

以今清旦行道請法衆等運茲二捻上香

賓十二

願此香煙騰空徑上供養

无上至真經寶臣等歸身歸命首體投地仰

依

太上三尊願以是功德歸流

皇帝伏冀玄濤碧海比聖壽以無涯羣嶽下

洲與

皇圖而共固后妃嬪御常洽楨休

太子諸王彌新福祚文臣武列中外職寮齊
忠貞協贊之心啓仁壽雍熙之化天元澄朗
地紀晏寧穀稼常登干戈求戢旁周萬宇普
及羣生道力所覃昇沉俱泰今故燒香歸依
師尊大聖衆至真之德得道之後昇入无形
和與道合真

以今清旦行道請法衆等運茲三捻上香
願此香煙騰空徑上供養

无上至真師寶臣等歸身歸命首體投地仰

依

太上三尊願以是功德歸流某官即時冥界
伏冀齋功上達聖力下通開玉匱之琅函勅
九龍之符命超遷靈識徑上南宮經流火之

庭鍊除滓穢入明霞之殿佩服陽華擢品福
鄉斷消鬼錄九玄七祖受化生天五族六親
延祥納祐冤仇洗滌債訟和平六趣三塗皆
霑巨福今故燒香歸依

師尊大聖衆至真之德得道之後昇人无形

和與道合真

禮方

懺悔

三啓

樂法以為妻

愛經如珠玉

持戒制六情

賓十二

四

念道遺所欲

淡泊正炁停

蕭然神靜默

天魔並敬護

世世受大福

三禮

三臣等至心稽首禮

太上无極大道

大臣等至心稽首禮

三十六部尊經

臣等至心稽首禮

玄中大法師

重稱法位

上清玄都弟子

臣某等謹重誠上啓

太上无極大道元始天尊太上大道君太上

老君十方自然靈寶天尊隨機赴感救苦天

尊三十六部尊經玄中大法師天師君上相

上宰四司五帝三界內外應感尊靈臣等伏

聞二炁陶甄五行生化陰陽倚伏善惡推遷
居世網之中處化機之內六情擾動三業繁
牽淪溺漂沉古今難息自非生資道炁天挺
仙才登福輦而碎禍車造雲衢而超地府悠
悠浮世孰免輪迴某官生世已來至于累劫

寅十二

五

積行所犯罪目貫盈武臣或訓旅統戎誅兇
伐叛芟夷之際玉石難分佐時雖繫於立功
專殺深虞於獲戾又宴犒之用須有庖爨懲
善之科須行刑憲故傷誤殺必有愆違或兵
士經行寨壘營造侵殘丘墓犯觸龍神掘鑿

岡原損汚泉澗蹂踐福地穢觸靈蹤或往債
未原或前寃未解或當官理務輕重心生
有罪瑕歿有報對冥冥幽獄懺贖無由文官
或理務之時任心肆意詳刑讞款罔顧哀矜
執法持綱不思原宥與奪沮勸或爽於重輕
徵督賦輸或傷於苛急人嗟物怨結固罪條
或往債前寃或違天負地曾無懺謝積在冥
曹身歿已來報對斯至披贖無由

皇帝言念前功悼傷泉路考紫陽之格披懺
拔之科嚴啓華壇仰祈鴻澤伏以真諸天衆聖

太上三尊迴罔極之恩降大慈之澤詔下三
官九府五帝四司太山鄴都三十六獄和寃
釋對削落罪書承大宥之文出重陰之域南
宮受化福路上生九世七玄同霑景祐泊乎
三塗六趣異品殊倫動植飛沉咸昇福岸三
光表瑞四序均和

聖壽遐長國祚隆永干戈殄戢疫毒銷亡百
穀常豐普天昭泰上明

天尊大慈之澤下副臣等歸命之誠謹啓以

聞

卷之三

發念

一念為道四大合德齋主七世父母免脫憂
苦上昇天堂衣食自然

二念帝王國主道化興隆庠序濟濟皇教恢
弘威儀翼翼普天所瞻民稱太平四夷賓

賓十二

六

伏妖惡自滅賢聖日生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行為物

範

六念損已布施道士及飢寒者天下人民各
得其所

七念蠕動蚊行一切衆生成蒙成就

八念赦貸前生今世罪對立功補過

九念家門隆盛宗廟有人世生賢才

十念專受經師不敢中怠平等一心廣度一

切剋獲上仙白日登天拜見太上永成真

人雲車羽駕和與道合真

復爐

香官使者左右龍虎君侍香諸靈官當令臣

朝元之所自然生金液丹碧芝英百靈衆真
交會在此香火爐前令臣學道得道學仙得
仙齋主受福幽顯沾恩十方仙童玉女侍衛
蘭煙傳臣向來所啓速達徑御
太上无極大道至真玉皇上帝御前

賓十二

七

出戶

太上黃籙齋儀卷之十六



太上黃籙齋儀卷之十七

唐廣成先生杜光庭集

特勅為臣下遷拔中分行道

入戶

各禮師存念如法

衛靈

丹靈朱火 炎霞激風 赤輪剛運

天光八衝 迸威包羅 交變萬方

流金豁落 羣魔滅蹤 辟姦破妖

明耀元功 金符召制 躡雲策龍

謠歌慶會

散花太空

神化冥運

四極安隆

伏御帝前

罔有不恭

鳴法鼓二十四通

无上三天玄元始三炁太上道君召出

臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝闢啓玄壇天帝神君當召此間土地里

域真官正神急上闢啓

臣今奉為入意以今

朝元行道願得玉清道炁靈寶妙光下降流
入臣等身中即使玄壇清淨內外成真天無

氛穢地絕妖塵琳琅振響十方肅清萬魔不
干真誠上徹令臣所啓速達徑御前
太上元極大道至真玉皇上帝御前

各稱法位

上清玄都弟子臣某等同誠上啓

實十二

八

虛无自然元始天尊无極大道太上大道君
高上大道金闕玄元天皇大帝太上老君昊
天玉皇上帝十方已得道大聖衆自然至真
靈寶天尊隨機赴感救苦天尊至真諸君丈
人三十六天帝君王玉虛上帝玉帝太帝東華

南極西靈北真玄都玉京金闕七寶玄臺紫
微上宮靈寶至真明皇道君三十六部尊經
玄中大法師三界應感一切真靈臣等伏聞
至道開光先天立化圓方異稟幽顯分途設
繩非誘善之科懸懲沮昇聞之典衆靈主宰
列職司明巨細無遺錙銖畢舉蓋欲使三界
之內庶品之中力善修心除非輟惡垂於經
訓示以懺祈明載格言古今遵奉臣等叨依
妙化獲備玄司志惟佐

國立功度人濟物況奉詞旨敢不上聞

讀詞

皇帝祗仰

玄慈欽承道典軫懷冥漠思降禎休考明真
遷拔之科按黃籙懺陳之品俾安靈識爰降
絲綸頒信幣以豐嚴錫香花而蠲潔臣等式
遵玄旨敷列

賓十二

九

皇壇四界八方法天象地貢詞誠於三境用
祈謝於諸天冀罄丹心以資鴻福以今中分
行道請法衆等運茲初捻上香
願此香煙騰空徑上供養

无上至真道寶 臣等歸身歸命首體投地仰

依

太上三尊願以是功德上資社稷尊靈比乾
儀而共求宗祧先聖齊道化以常寧耀景十
華昇真長樂垂休大寶流福宏基邁周漢之
隆昌超夏商而延遠今故燒香歸依

師尊大聖衆至真之德得道之後昇入无形
和與道合真

以今中分行道請法衆等運茲二捨上香

願此香煙騰空徑上供養

无上至真經寶臣等歸身歸命首體投地仰
依今中今下直前式果等聖茲二終上香

太上三尊願以是功德歸流

皇帝伏觀日華騰景益廣睿明辰極飛光彌
崇聖壽道德超於羲皞仁聖冠於勛華萬國
宅心九圍隨化后妃嬪御欽贊堯慈太子諸
王昭敷舜澤公卿臣佐文武職僚各運忠貞
永扶昌祚今故燒香歸依

師尊大聖衆至真之德得道之後昇入无形
和與道合真

以今中分行道請法衆等運茲三捻上香
願此香煙騰空徑上供養

无上至真師寶臣等歸身歸命首體投地仰
依

太上三尊願以是功德歸流某官即時冥界

賓十二

十

三清衆聖開日闕以流光八日京高尊敞雲軒
而布澤沐浴神識灌鍊形魄湯滌罪瑕和平
寃債先亡後裔同沐熏修今故燒香歸依
師尊大聖衆至真之德得道之後昇入无形
和與道合真

禮方

懺悔

三啓

鬱鬱家國盛

濟濟經道興

天人同其願

縹緲入大乘

因心立福田

靡靡法輪昇

七祖生天堂

我身白日騰

三禮

臣等至心稽首禮

太上无極大道

臣等至心稽首禮

三十六部尊經

大臣等至心稽首禮

玄中大法師

重稱法位

上清玄都弟子臣某謹重伸上啓

實十二

十一

太上无極大道元始天尊太上大道君太上
老君至真自然靈寶天尊隨機赴感救苦天
尊三十六部尊經玄中大法師天師君上相
上宰四司五帝三界官屬一切尊靈臣等伏
聞萬聖延慈九天垂澤憫三塗之謫役哀六

趣之漂淪一失生津永乖賢域綿綿長夜萬劫無期是以遊觀八門天尊啓濟生之品軫傷三界道君宣度死之科欲使共陟

福庭同超欲海真經妙旨

國化人

皇帝軫念亡靈顯頒綸詔按三清之格開九奏之壇油燭香花質心衆聖紋繒法信騰款諸天燒香然燈轉經行道洗心滌慮拜手祈真所期八景神光下照幽陰之府九龍符命徑臨積夜之庭拔度魂儀昇離泉曲赦除某

官前生今世無量劫來積過深尤前寬往債
或已身所犯或祖世貽殃罪目多端不可憶
識或違忤天地負越神明侵害於人損傷於
物歿受報對動歷歲年非仗玄功無由解釋
因今大齋功德懺拔之緣萬罪千愆咸乞除
蕩即使神魂清靜罪惱銷平離苦生天參真
悟道至于九玄七世往逝幽靈共沐
勝功俱登

福路垂祥介祐利及見存上願二象清寧三
光融朗風雲叶序妖惡沉零

帝祚無疆

聖躬萬壽三農蕃稔觀分岐合穎之苗四海
梯航有天獸奇香之貢后妃嬪御太子諸王
匡翊紫宸保寧皇極公卿臣佐文武忠良敷
贊九重輯和八表干戈弢戢億兆樂康洎乎

實十二

十二

水陸龍神飛沉庶類齋功所被惠澤所覃海
外寰中齊臻壽域上明

天尊大慈之澤下副臣等懺謝之誠謹啓以
聞

發願

一願大道淡泊虛无安閑空寂澄清自居廣
開法門教導頑夫皆蒙惠澤精苦是修預
以同學普得昇虛與天相保長存無憂

二願諸天結炁澄清高虛廣覆保真固靈氣
候調節四運和平國安民豐普天閑寧廣
濟一切惠逮有生保劫長存億劫不傾

三願土地覆載無窮安平不陷海淪不崩保
鎮家國兆民興從養生安死惠周十方禾
稼滋植營運日豐成得厚載萬類皆從

四願日月二景高明無有薄蝕虧盈安清光

照諸天洞消暗冥保固劫運世祚和平普
加潤澤惠灑衆生

五願星辰與日齊光轉燭照耀朗映十方
各安其位經緯直行保鎮家國無有災傷
四海寧一普天興昌

賓十二

十三

六願四時隨節推遷景氣和調無有災患疫
毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱
則無爲散則彌天神仙同居結友衆真惠
流一切興國愛民普濟羣生人同劫年

八願風雨流灑無窮普加施泄受其發揚萬
物滋生國儲民豐

九願五嶽各安其方巍巍包藏長為仙宮安
鎮國祚保天無終護度一切莫不仰宗

十願江海蕩蕩太極含容恢廓無細不植淵

奧柔惠潤加蠕息天人獲慶年同劫石

十一願帝王國土日昌四鎮安睦兵革不揚
天人歌唱吉日來翔敷教濟濟威化洋洋

兆民稱慶長樂未央

十二願螭飛蠢動已生未生成蒙安全普得

生成皆見元炁受陽之形草木果林經冬
不零一切濟度靡不鮮榮和與道合真

復爐

香官使者左右龍虎君侍香諸靈官當今臣
朝元之所自然生金液丹碧芝英百靈衆真

交會在此香火爐前令臣學道得道求仙得

仙齋主受福幽顯沾恩十方仙童玉女侍衛

蘭煙傳臣向來所啓速達徑御

太上无極大道至真玉皇上帝御前

出戶

太上黃籙齋儀卷之十七

太上黃籙齋儀卷之十八

賓十二

十四

唐廣成先生杜光庭集

特勅為臣下遷拔落景行道

入戶

各禮師存念如法

衛靈

五星高曜

瑞炁飛浮

元始集神

天地交周

玉符寶節

嘯命微幽

擲火揚威

奸山無留

萬魔振伏

紛葩却消

摧怪伐惡

道炁同流

神光照夜

陰翳俱收

萬仙降格

扇景乘颺

羣生咸遂

惠遍神州

鳴法鼓二十四通

无上三天玄元始三炁太上老君召出臣身

中三五功曹左右官使者侍香金童傳言玉

女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上關啓臣今奉爲入意以今
晚朝行道願得玉清道炁靈寶妙光下降流
入臣等身中即使玄壇清淨內外成真天無

廣十二

十五

氛穢地絕妖塵琳琅振響十方肅清萬魔不
干真誠上徹今臣所啓速達徑御
太上无極大道至真玉皇上帝御前

各稱法位

上清玄都弟子臣某等謹同誠上啓

虛无自然元始天尊无極大道太上大道君
高上大道金闕玄元天皇大帝太上老君昊
天玉皇上帝十方已得道大聖衆至真自然
靈寶天尊隨機赴感救苦天尊至真諸君丈
人三十六天帝君王玉虛上帝玉帝太帝東華
南極西靈北真玄都玉京金闕七寶玄臺紫
微上宮靈寶至真明皇道君三十六部尊經
玄中大法師五老上帝三元君天地水三官
考校罪福應感真靈臣等伏聞善惡無形惟
人所兆報應無爽猶響隨聲今古循環吉凶

攸繫所以北宮主死南昌領生天地神明詮
功紀過洪纖備舉毫末無遺得不惕勵競懷
仰遵玄戒由是至真大道无上法王寶經垂
告謝之儀金簡有懺祈之旨一心首悔萬罪
蠲銷

皇帝悼念亡靈眷傷幽夜思弘勝福以拯泉
關式降

綸言恭修齋直今奉詞旨敢不上聞

讀詞

按如詞言義深遷拔_臣等按紫陽玉笈黃籙

簡文法地象天敷壇列纂儼十華之位陳四
極之儀備法信紋繒香花油燭轉經行道懺
謝諸天冀真聖之迴光普幽明而介福以今
落景行道請法衆等運茲初捨上香
願此香煙騰空徑上供養

實十二

十六

无上至真道寶臣等歸身歸命首體投地仰
依

太上三尊願以是功德歸流宗祧先聖社稷
尊靈騰景王清垂祥寶胤鸞駮遊宴昇汗漫
以無爲鳳曆延洪與乾坤而不極天元昭朗

地紀寧閑萬國會同羣生遂性今故燒香歸
依

師尊大聖衆至真之德得道之後昇入无形
和與道合真

以今落景行道請法衆等運茲二拾上香

願比香煙騰空徑上供養

无上至真經寶臣等歸身歸命首體投地仰

依

太上三尊願以是功德歸流

皇帝伏冀皇明遠矚睿渥遐覃坐玄扈以凝

神重觀寶籙俯洪河而展采再揖珍圖地廣
宏基山齊聖壽后妃嬪御協贊彤廷太子諸
王昭宣鴻化文武卿佐內屏外藩福祉益新
徽華克茂三邊靜謐永無關戍之勞八極懽
康常有梯航之貢干戈戢息疫毒銷亡水旱

實十二

十七

無侵龍神悅豫凶妖不作稼穡有年一切舍
生俱享元吉今故燒香歸依

師尊大聖衆至真之德得道之後昇入无形
和與道合真

以今落景行道請法衆等運茲三捨上香

願此香煙騰空徑上供養

无上至真師寶臣等皈身皈命首體投地仰

依

太上三尊願以是功德歸流某官即時冥界
伏冀丹誠上達玄澤下臨三境元尊放神光

而照燭諸天上聖流惠渥以資薰九泉開昏
晦之衢大趣息輪迴之苦魂神鍊沐寃債和
平罪惱俱銷福祥臻萃洎乎三塗冥識七世
幽靈共沐勝功咸登道果人故燒香歸依
師尊大聖衆至真之德得道之後昇入无形

和與道合真

禮方

懺悔

三啓

大道洞玄虛

有念無不契

鍊質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

重稱法位

賓十二

十八

上清玄都弟子

臣

某等謹同誠上啓

太上无極大道元始天尊太上大道君太上

老君至真自然靈寶天尊隨機赴感救苦天

尊三十六部尊經玄中大法師天師君上相

上宰五老上帝三元君天地水三官三界應

感一切尊靈臣等伏聞大聖開圖元皇撫運
天關化育地紀裁成惟人最靈首出羣品陰
陽遷貿性識波流處身有善惡之殊動靜繫
吉凶之目罪福以之升降生死以之區分所
以元始天尊諸天大聖垂慈救之旨開採護
之門命五帝四司垂機接引三元衆聖應化
主張天地水官示考校之理陰陽曹吏宣報
對之儀欲使盡契福階俱超罪網而昏迷難
悟滯濁難祛蹈過垂愆莫紀其極某官爰從
積世以洎生前無數劫來轉輪生化或六情

所構三業所爲罪目多端不可記憶或興師
統衆征討四方或秉法持綱糾繩於物或懲
姦剪暴用鉞申威或撫弱遏強行賞示罰或
興工土木犯觸龍神或犒士宴賓宰殺物命
或釣潛弋宿馳騁畋遊或詳舉刑章情有曲

實十二

十九

直或愛憎喜怒肆意任心人有悲嗟鬼有冤
債未曾祈首積在幽冥三官有罪考之名五
帝有報對之日冥冥夜府祈向何由

皇帝軫念幽靈願言遷拔按依科格嚴設壇
場神燈散彩於九冥香炷飄芬於三界普諸

天而懺罪徧十極以祈恩伏冀
上聖高尊慈光憫照三官五帝巨澤滂流賜
罔極之恩弘大慈之施無邊之罪咸賜蕩除
即使四極甄明十仙汲引出重陰之府詣流
火之庭澡瑩形魂沐浴神爽昇居長樂飛翥
上宮證道參真永離幽夜其有前寃往債隨
念和平積罪餘殃應時銷釋子孫享福玄祖
超昇動植飛沉泉扃苦趣齋功所及並洽休
禎上願日月貞明乾坤安鎮星辰有瑞風雨
無愆大業隆昌聖躬萬壽天枝帝葉廕八極

以常榮文德武功包九圍而並化干戈自戢
穀稼彌豐域外區中盡登仁壽上明

天尊大慈之澤下副臣等歸命之誠謹啓以
聞

發願

一願大道流行普天懷德二願一切有生咸
皆悟道三願九夜悲魂一時解脫四願孤爽
無依咸得受生五願天下太平五穀豐熟六
願臣忠子孝君仁父慈七願四海通同六親
和釋八願潛胞處卵咸得生成九願積疾新

痾旋即痊愈十願孤露衆生豐衣足食

復爐

香官使者左右龍虎君侍香諸靈官當令臣

朝元之所自然生金液丹碧芝英百靈衆真

交會在此香火洞案爐前令臣學道得道求

賓十二

二十

仙得仙齋主受福幽顯沾恩十方仙童玉女

侍衛蘭煙傳臣向來所啓速達徑御

太上无極大道至真玉皇上帝御前

出戶

太上黃籙齋儀卷之十八



井ノ口

